

Bahan asal dari Arkib
Negara Malaysia

Semua golongan rakyat diseru membenci dadah

SERDANG, Sabtu — Perdana Menteri, Datuk Seri Dr. Mahathir Mohamad menyeru semua golongan rakyat menolak dan membenci dadah.

Menegaskan demikian di majlis perasmian Hari Pelawat, Jambori Kebangsaan Pandu Puteri di Universiti Pertanian Malaysia, di sini, beliau berkata Kerajaan terpaksa memikul tanggungjawab yang berat memastikan penyalahgunaan dadah tidak menyesa pi masyarakat di negara ini.

Jelas Perdana Menteri, dunia kini dihinggapi penyakit sosial yang mula merebak.

Generasi kini berdepan dengan kejatuhan moral dan penyalahgunaan dadah. Belia menjadi sasaran 'broker moral' yang tidak bertanggungjawab yang menjerumuskan mereka ke lembah kegiatan yang tidak bermoral.

Tegas Perdana Menteri, penyalahgunaan dadah adalah merosakkan moral.

Datuk Seri Dr. Mahathir berkata, masa depan negara adalah bergantung kepada kesejahteraan dan kemajuan kanak-kanak masa kini.